



UNIVERSITÄTS-
BIBLIOTHEK
PADERBORN

Universitätsbibliothek Paderborn

Confessio oder Bekanntnus des glaubens etlicher Fürsten vnnd Stedte

[Erfurt], 1532

VD16 C 4746

Der Zwenzigst.

urn:nbn:de:hbz:466:1-35320

das/wiewol Gott der almechtig die gantze natur
geschaffen hat vnd erhalt/so wirckt doch der verker
te wille die sund yñ allen bösen vñ verechtern Got
tes/wie denn des Teuffels wille ist vnd aller Gotta
losen/welcher als bald/so Gott die hand abgethan
sich vñ Gott zum argē gewand hat/wie Christus
spricht Johannis am achten. Der Teuffel redet lü
gen aus seinem eigen.

Der Zwenzigst.

Den vnsern wird mit vnwarheit auffgelegt/
das sie gute wercke verbieten / Denn yhr schrift/
von zehen gepoten vñnd andere/ beweisen/das sie
von rechten Christlichen sünden vnd wercken/gu
ten nützlichen bericht vnd vermanung gethan ha
ben / Davon man fur dieser zeit wenig geleret hat/
sondern allermeist ynn allen predigen/ auff kindi
sche vñnötige werck/als Rosenkrantz/heiligē dienst/
Mönch werden/walsarten gesanten fasten/feire/
brüderschafften/indulgentien etc/getrieben/ Sol
che vñnötige werck rümet auch vnser widderpart
nu nicht mehr so hoch/als vor zeitē/wiewol sie den
noch yhre yrtthumb nicht bekennen / sondern vnter
stehen sich die selbige zu vnterdruckung der heilsa
men vñnd tröstlichen lar vom glauben/vnd zu sch
mach vnserm Herrn Christo zu verfechtē/Dieweil
aber die lar vom glauben/wilche das heubtsstück
ist ynn Christlicher lar / wie man bekennen mus/
lange zeit/nicht getrieben noch geprediget ist / son
dern dagegen viel falscher Gottes dienst auffge
richt/so ist dauon durch die vñnsern/ dieser bericht
geschehen.

Wo glaube vnd was der
glaube sey.

Vnser

Vnser Herr Christus/hat sein Euangelium
gefaßet/yñ eine richtige vñnd kurze Summa/
nemlich/das man leren sol/ bus vñ vergebung der
sund yñ seinem namen/ Die predig von der bus
strafft die sund/Wer nu fur Gottes zorn erschrickt
von wegen seiner sund/dem predigt das Euange
lium auch vergebung der sunden / vmb Christus
willen/aus gnaden/one vnser verdienst / Solche
vergebung wirdt allein durch glauben erlangt/ so
wir glauben/das Gott vns vmb Christus willen
vñser sunden vergeben vñnd gnedig sein wolle.

Also leren nu die vnsern/das wir durch glau
ben an Christum vergebung der sunden erlangen/
nicht durch vnser vorgehede oder folgende werck
verdienen/ sondern allein empfangen vergebung
aus barmhertzigkeit vmb Christus willen vñ das
wir allzeit/wenn wir schon gute werck haben/glau
ben sollen/das wir vmb Christus willen fur Gott
gerecht gescheret werden/nicht aus verdienst vnse
rer werck/den wir können doch Gottes gesetz selbst
nicht gnugthun.

Dieses ist ein rechter/gewisser trost/allen blö
den vñnd erschrocken gewissen/Vñnd ist klar yñ der
heiligen schrift gegründet vñnd ausdrückt/ia es ist
der fürnemeß artikel des Euangelij / Den paulus
spricht also/Ephe.ij. Aus gnaden seyd yhr selig
worden durch den glauben/ vñnd das selbig nicht
aus euch/sondern es ist Gottes gabe/nicht aus wer
cken/damit sich niemand rhume/ Vñnd Roma. iij.
Darumb müße gerechtigkeit durch glauben/vñns
aus gnaden komen/das die verheißung fest bleibe/
das ist/so wir vmb vnser werck willen / vergebüß
der sunden empfangen solten/weren wir allzeit vn
gewis/ob wir vergebung erlangt hetten/ Den wir

B befin

befinden allezeit gebrechen an vnsern wercken/dar
umb wir müsten zweueln/ob wir gnug gethan het
ten/Also würde die verheissung fallen vnd vnnütz
werden/so sie auff vnser werck gebawt were/Vnd
nimmer mehr kont das gewissen zu friden vnd zu
ruhen sein/wenn wir vmb vnser werck willen ge
recht sein müsten/Darumb sollen wir allezeit/auch
so wir nu new geboren sein/vnd gute werck thun/
den mitter Christum behalten/vnd glauben/das
vns Gott gnedig sey vnd gerecht schetze/nicht dar
umb das wir das gesetz erfüllē/sondern vmb Chr
stus willen/durch dē vns zugesagt ist/das vns Gott
vmb seinen willen gnedig sein wolle / Darumb
spricht Paulus weiter zu Römern am .v. So wir
durch glauben gerecht geschetzt werden/haben wir
fride mit Gott/vnd durch glauben haben wir ein
zugang zu Gott etc/Vnd dieser spruch ist die sch
rifft vol.

Vnerfarne leute verachten vnd verfolgen die
se lar/denn die welt weis von keiner gerechtigkeit
denn allein vom gesetz/vnd von vernünfftigem ley
ben/weis nicht wie das gewissen gegen Gott vnd
ynn Gottes gericht sich halten sol/Vnd doch wenn
Gott strafft/vnd erschreckt die gewissen/so faren
die selbige zu/so diese lar vom glauben vnd Chr
sto nicht wissen/suchen werck/vnd wollen mit ei
gen wercken Gottes zorn versünen vnd ewig leben
erlangen/diese lauffen ynn Klöster/die andern fals
len auff Mess halten/vñ wird ein werck vber das
ander erticht/Gottes zorn zuuersünen/Das ist eitel
blindheit/vnd verachtung Christi/vnd fallen die
herzen fur vnd fur ynn grosser vngedult gegen
Gott/bis sie zu letzt gantz verzweueln.

Diese yrrthumb straffen wir laut des Euange
lij vnd

ist vnd richten dagegen auff die lar vom glauben/
das das gewissen sich getrost darauff verlassen sol/
das wir vergebung der sund/ on vnser verdienst
vmb Christus willē habē/ Vnd das es ein schmach
Christi sey/ so wir eigne werck suchen/ dadurch zu
verdienen das vns Gott gnedig sey/ Vnd dieweil
dieser artikel betrifft die ehre Christi vnd solchen
hohē trost der gewissen/ so ist not das diese lar ernst
lich ynn der Christenheit getrieben werde.

Hieraus ist auch zu mercken wo glauben sey/ vnd
was wir glauben heissen/ Denn wo nicht schrecken
ist fur Gottes zorn/ sondern lust an sundlichem wā
del/ da ist nicht glauben/ denn glauben sol tröstenn
vnd lebendig machen die erschrockne hertzen/ Da
rumb auch Elias spricht/ Gott wolle seine wo
nug haben ynn erschrocknen hertzen/ Darumb ist
leicht zu antworten/ wenn etliche sprechen/ so der
glaub gerecht mache/ sey nicht not gute werck zu
thun/ Dagegen leren wir das die yhenigen so lust
an yhren sunden haben vnd fort faren/ ynn sund
lichem wandel/ nicht glauben haben/ Denn wo
nicht schrecken ist fur Gottes zorn/ da ist nicht
glaube.

So ist auch das argument leicht auffzulösen/
das man spricht/ die Teuffel glauben auch/ sind dē
noch nicht gerecht/ Antwort. Glauben heisset hie
nicht die Historien allein wissen/ sondern es heisset
den Artikel glauben/ vergebung der sunden/ diesen
Artikel gleubē die teuffel vñ Gotlosen nicht/ Also
heisset hie gleubē/ yñ schreckē des gewissen sich getrost
verlassen auff Gottes zusage/ das er vmb Christus
willē gnedig sein wolle/ Vñ dē gleubē also sol ver
schādē werdē/ nicht die historien allein wissen/ sondern
B ij Gottes

Gottesverheissung ergreifen/ leret Paulus klar/
Rom. iij. da er spricht/ Darumb werde man ge-
recht durch glauben/ das die verheissung nicht vn-
tichtig werde/ Darumb wil er das mā durch glau-
ben/ die verheissung Gottes ergreifen müsse/ So
schreibt auch Augustinus / das man glauben also
verstehen sol/ wie wir davon reden.

Das man gute werck sol vnd müsse thun/
vnd wie man sie könne thun/ vnd
wie sie Gott gefellig sein.

Solcher glaub/ so er das erschrocken hertz trö-
stet/ empfahet den heiligen geist/ der sehet an ynn
den ihenigen/ so Gottes kinder worden sind/ zu wir-
cken/ Wie Paulus spricht. Rom. viij. Dis sindt kin-
der Gottes/ wilche der geist Gottes leyret/ So wir-
cket nu der heillg geist erkentnus der sunde/ vnd
glauben/ das wir die hohe vnd grosse barmhertzig-
keit ynn Christo zugesagt/ fur vnd fur klerer erken-
nen/ vnd stercker glauben/ vnd ewigen trost vnd le-
ben daraus schöpfen. Darnach wirckt der heilig
geist auch andere tugent/ nemlich/ die Gott gebotē
hat/ ynn zehen geboren/ Gott fürchten/ lieben/ dan-
cken/ anruffen/ ehren/ den nehisten lieben/ gedultig
keusch sein/ die Oberkeit als Gottes ordnung erken-
nen vnd ehren etc. Denn wir leren/ das wir Gottes
gebot/ wilche vns auffgelegt sind/ sollen vnd müs-
sen thun.

Dazu leren wir/ wie man sie könne thun/ auch
wie sie Gott gefallen / Denn ob schon die mensche
durch eigne natürliche kreffte eusserliche ehrliche
werck/ zum teil zu thun vermügen/ so kan doch das
hertz Gott nicht lieben/ es glaube denn zuvor/ Gott
wölle gnedig sein/ Dazu die menschen ausser Chris-
to

sto vnd on glauben vnd heiligen geist/sind ynn des
Teuffels gewalt/der treibet sie auch zu mancherley
offentlichen sunden/Darumb leren wir zuvor vom
glauben/dadurch der heilig geist geben wird/vnnd
das Christus vns hilfft vnd wider den Teuffel be-
hütet/Wenn also das hertz weis/das vns Gott gne-
dig wil sein vnd vns erhören vmb Christus willen/
so kan es Gott lieben vnnd anrufen/Vnd dieweil
es weis/das vns Christus stercken vnd helfen wil/
so wart es hülff/versaget nicht ynn leiden/vnd stre-
bet wider den Teuffel.Darumb spricht Christus
Vne mich können yhr nichts thun.Derhalben wer-
nicht recht vom glauben leret/kan auch nicht nütze-
lich von wercken leren/ denn on die hülffe Christi
kan man doch Gottes gepot nicht halten/wie klar
zu sehen an den Philosophis / die sich auffs höchste
gevolissen recht zu lieben/vnd sind dennoch yñ gro-
ße laster gefallen/Denn menschliche vernunft vnd
krafft on Christo ist dem Teuffel viel zu schwach/
der sie zu sundigen treibet.

Weiter geschicht auch vnterricht / wie gute
werck Gott gefellig sindt/nemlich / nicht darumb
das wir Gottes gesetz gnug thun/denn one der eini-
ge Christus / sonst hat kein mensch Gottes gesetz
gnug gethan/sonder die werck gefallen derhalben
das Gott die person angenommen hat/vnd scherzet
sie gerecht vmb Christus willen / vmb des willen
vergiht er vns vnser gebrechen/die noch da bleiben
ynn heiligen/Darumb sol man nicht vertragen/
das wir nach der widdergepurt gerecht sindt von
wegen vnser reinigkeit/oder derhalben das wir das
gesetz erfüllen/sonder man sol denn auch den mit-
tel Christum Gott furstellen/vnd halten/das vns
vmb Christus willen Gott gnedig sey/ vnnd das

2. ij. vnser

vnser werck barmhertzigkeit dürfen / vnd nicht so
würdig sind / das sie Gott / als gerechtigkeit annehmē
sol / vnd dafür ewigs leben schuldig sey / sondern dā
sie Gott derhalben gefallen / dieweil er der person
gnedig ist / vmb Christus willen / Das er aber der
person gnedig sey / das fasset ein yeder allein durch
glauben / Also gefallen Gott die gute werck allein
ynn den gleybigē / wie Paulus leret / Was nicht aus
glauben geschicht / ist sund / das ist / Wo das hertz ist
zweifel siehet / ob Gott vns gnedig sey / ob er vnns
erhöre / vnd gehet dahin ynn zorn gegen Gott / vnd
thut werck / wie köstlich die scheinen / so sind es doch
sund / denn das hertz ist vnrein / darumb können die
guten werck on glaubē Gott nicht gefallen / sonder
das hertz mus vor mit Gott zu frieden sein / vnnnd
schliffen / das sich Gott vnser anneme / vns gnedig
sey / vns gerecht schenke / nicht von wegen vnser
verdiensts / sonder vmb Christus willen / aus barm
hertzigkeit. Das ist rechte Christliche lehr von gu-
ten wercken.

Der Ein vñ zwentzigst.

Vom heiligen dienst wirt von den vnsern also
geleret / das man der heiligen gedencen sol / auff
das wir vnsern glauben stercken / so wirt sehen / wie
yhnē gnad widerfahren / auch wie yhnē durch
glauben geholffen ist / dazu das man Exempel neh-
me von yhnē guten wercken / ein yeder nach seinem
beruff / gleich wie Kai. Mai. seliglich vnd Götlich
dem exempel Dauid folgen mag / kriege wider dē
Türcken zu führen / denn beide sind ynn Königlichē
ampt / welchs schutz vnnnd schirm yhrer vnterthan
foddert / Durch schrift aber mag man nicht bewei-
sen / das man die heiligen anrufen / odder hilff bey
yhnē